

## মুহাম্মদী আন্দোলনের বীর সেনানী তিতুমীর

আব্দুল হামীদ বিন শামসুদ্দীন\*

১৭৫৭ সালে পলাশীর যুদ্ধে মীরজাফরের চরম বিশ্বাসযাতকতার ফলে বাংলা, বিহার, উত্তিষ্ঠায়ার শেষ স্বাধীন নবাব সিরাজুদ্দৌলার পরাজয়ের ফলে ভারতবর্ষ তার স্বাধীনতা হারিয়ে পরাধীনতার শৃঙ্খলে আবদ্ধ হয়। শুরুতে বিদেশী ইষ্ট ইতিয়া কোম্পানী' ভারতবর্ষের শাসনদণ্ড হাতে নিলেও পরবর্তীতে ভারতের শাসনভার সরাসরি বৃটিশ সরকারের অধীনে চলে যায়।

বৃটিশ বেনিয়ারা মুসলমানদের হাত থেকে কেবলমাত্র রাজনৈতিক ক্ষমতাই হরণ করেনি; বরং তাদের শিক্ষা, সাহিত্য, সংস্কৃতি, কঢ়ি-কালচার, ধর্মীয় মূল্যবোধ, শিল্প, কৃষি, ব্যবসা-বাণিজ্য, অর্থনৈতিক প্রত্বতি ক্ষেত্রে আগ্রাসন চালিয়ে তাদেরকে পক্ষাংস্ত জাতিতে পরিণত করেছিল। ইংরেজ সরকার ১৭৯৩ সালে বাংলা ও বিহারে 'চিরহায়ী বন্দোবস্ত প্রথা'র প্রবর্তন করে। ফলে প্রাচীন মুসলিম জমিদাররা জমিদারী হারায়। অন্যদিকে নব্য হিন্দু বাবু জমিদারদের উপর ঘটে। তাদের ছত্রহায়ীয়ার দালাল, সেমষ্টা, পাইক, পেয়াদা ইত্যাদি ধার্ম টাউট-বাটপার সৃষ্টি হয়। ওদিকে ইংরেজ সরকারের সহায়তায় বৃটেন থেকে নতুনভাবে নীলকরদের আবির্ভাব ঘটে। নীলকররা নদীয়া, যশোর, ফরিদপুর, পাবনা, রংপুর, ময়মনসিংহ অঞ্চলে নীলকৃতি স্থাপন করে নির্যাতনের মুখে ক্ষমকদেরকে ধান চাষের বদলে নীল চাষে বাধ্য করে। নীলকর ও জমিদাররা নানাবিধি উপায়ে বাংলার কৃষককুলের উপর উৎপীড়ন চালাতে থাকে।

ইংরেজ সরকার, নীলকর, অত্যাচারী জমিদার ও তাদের সৃষ্টি বাহিনীর হাতে নির্যাতিত কৃষকগণ ধীরে ধীরে সংগঠিত হ'তে থাকে। ফলে ভারতে শুরু হয় বৃটিশবিরোধী সংগ্রামের ধারা। জাতিগত অস্তিত্ব রক্ষায় নিরীহ কৃষক সমাজের সহায়তায় মুসলিম নেতৃত্বকে বৃটিশবিরোধী আন্দোলনে নেতৃত্ব দিতে হয়েছে। ইংরেজ বিরোধী সংগ্রামের পটভূমি রচনায় তার ভয়ংকর পরিণতিতে আহলেহাদীছ আন্দোলনের নেতৃত্বকে অপরিসীম ত্যাগ ও তিতিক্ষা স্থীকার করতে হয়েছে। পরাধীন ভারতে সিপাহী বিদ্রোহ, ওহায়ী আন্দোলন, ফরায়েজী আন্দোলন, কারাযাত বিদ্রোহ, তুরীকায়ে মুহাম্মদী আন্দোলন, জিহাদ আন্দোলন ইত্যাদি প্রত্যেকটিতে আহলেহাদীছ নেতৃত্ব কর্তৃধার ও পথপ্রদর্শক হিসাবে নেতৃত্ব দিয়েছেন, সহযোগিতার হাত প্রসারিত করেছেন বিভিন্নভাবে।

\* সহকারী অধ্যাপক, ইসলামিক স্টাডিজ বিভাগ, ফিল্ম রহমান মহিলা কলেজ, বুর্জপুর।

ভারতের স্বাধীনতা সংগ্রামের পটভূমিতে যে ক'জন মহান বীর সেনানী ও অকৃতোভয় বীর পুরুষের নাম ইতিহাসের পাতায় স্বর্ণক্ষেত্রে লিপিবদ্ধ রয়েছে তাদের মধ্যে শহীদ তিতুমীরের নাম প্রাত্মকরণীয়।

তিতুমীরের আসল নাম সৈয়দ নিছার আলী। তিতুমীর তাঁর ডাক নাম। কথিত আছে, তিনি বাল্যকালে জুরের মত অসুখে প্রায়ই ভুগতেন। তাঁর দাদী তাঁকে ঔষধী গাছ-গাছড়ার তিতা রস পান করাতে চাইলে, তিনি তা অবলীলাজ্ঞমে পান করতেন। তাঁর দাদী মজা করে তাঁকে 'তিতায়ি' বলে ডাকতেন। সেই থেকে তাঁর নাম হয়ে পড়ে তিতুমীর।<sup>১</sup>

মীর নিছার আলী ওরফে তিতুমীর ১৭৮৬ সালে চরিশ পরগনা যেলার বারাসাত মহকুমার চাঁদপুর হায়দারপুর প্রামের এক সন্ত্রাস ক্ষমত পরিবারে জন্মগ্রহণ করেন। তিনি ছিলেন অসীম সাহসী ও দৈহিক শক্তির অধিকারী দেশপ্রেমিক ধর্মপ্রাণ বক্তি। কুণ্ঠী ও অন্ন চালনায় তৎকালে তাঁর সমকক্ষ কেউ ছিল না। অল্প বয়সে তিনি ইসলামী শিক্ষায় শক্তিশালী হন এবং মুসলমানদের ধর্মীয় ও রাজনৈতিক পুনর্জাগরণে নিজেকে উৎসর্গ করেন। ১৮২২ সালে তিতুমীর হজ্জ করতে মুক্ত যান। সেখানে ভারতে জিহাদ আন্দোলনের আমীর সৈয়দ আহমাদ ব্রেলভার নিকটে বায়'আত গ্রহণ করেন।<sup>২</sup>

উত্তর ভারতীয় সীমান্ত অঞ্চলে সৈয়দ আহমাদ পরিচালিত 'জিহাদ আন্দোলন' আর বাংলাদেশে তিতুমীরের 'মুহাম্মদী আন্দোলন' আহলেহাদীছ আন্দোলনেরই নামান্তর। ঐতিহাসিকগণ অনুদারতার কারণে Propaganda স্বরূপ ভারতের সংক্ষর আন্দোলন সমূহকে 'ওহায়ী' ইত্যাদি নামে আখ্যায়িত করে। এর মূল সুর বাদক ছিলেন ইংরেজ ঐতিহাসিক উইলিয়াম হান্টার। তার রচিত 'Our Indian Muslims' গ্রন্থ পাঠ করে এ দেশের ঐতিহাসিকগণ তার অঙ্কানুসরণ করেছেন মাত্র। কিন্তু আধুনিক যুগের স্বনামধন্য গবেষক ও বিশিষ্ট শিক্ষাবিদ প্রফেসর ডঃ মুহাম্মদ আসাদুল্লাহ আল-গালিব তাঁর 'আহলেহাদীছ আন্দোলনঃ উৎপত্তি ও ক্রমবিকাশ দক্ষিণ এশিয়ার প্রেক্ষিতসহ' নামক গবেষণা গ্রন্থে বলিষ্ঠ প্রামাণিক তথ্যের ভিত্তিতে প্রমাণ করেছেন যে, সৈয়দ আহমাদের জিহাদ আন্দোলন ও ভারতের দিকে দিকে পরিচালিত সংস্কার আন্দোলন সমূহ আহলেহাদীছ আন্দোলন ছাড়া আর কিছুই ছিল না। তিতুমীর যে আহলেহাদীছ আন্দোলনের একজন বীর সেনানী ছিলেন তাঁর প্রমাণ মিলে উক্ত হচ্ছে। যেমন- তিনি জিহাদ আন্দোলনে বাঙালী কঘেদী, শহীদ ও গায়ীদের তালিকায় মাওলানা সৈয়দ নিছার আলী ওরফে তিতুমীরের

১. মোঃ কুতুব উদ্দিন, তিতুমীর (ঢাকাঃ বই ঘর), পঃ ২; আব্দুল গফুর সিদ্দিকী, শহীদ তিতুমীর দ্রঃ।
২. মুহাম্মদ আসাদুল্লাহ আল-গালিব, আহলেহাদীছ আন্দোলনঃ উৎপত্তি ও ক্রমবিকাশ দক্ষিণ এশিয়ার প্রেক্ষিত সহ (রাজশাহীঃ হাদীছ ফাউনেশন বাংলাদেশ, ফেব্রুয়ারীঃ ১৬), পঃ ৪১৭-৪১৮।

(ক) ইসলামে পূর্ণ বিশ্বাস স্থাপন (খ) পীর পজা, কবর পূজা, মানত মানা এবং পৌত্রিকাতার বিরুদ্ধে জিহাদ করা (গ) রাসূলুল্লাহ (ছাঃ)-এর নির্দেশ পালন (ঘ) হিন্দু-মুসলিম ক্ষমকৃতের এক্য স্থাপন এবং (ঙ) অত্যাচারী জিমিদার ও নীলকরদের বিরুদ্ধে সংবেদ্ধ হওয়া।<sup>৪</sup> বলা বাহ্যে তিতুমীরের বক্তব্যের মধ্যে আহলেহাদীছ আন্দোলনের মূল আদর্শই প্রতিক্রিয়া হয়েছে।

এছাড়া বাংলাদেশে আহলেহাদীছ আন্দোলনের পথিকৃত মাওলানা আব্দুল্লাহ-হেল কাফী আল-কুরায়েশী (রহঃ) তাঁর লিখিত ‘আহলেহাদীছ পরিচিতি’ পৃষ্ঠকে সৈয়দ আহমদ ব্রেলভাইর বাঙালী শিষ্যমণ্ডলীর নামের তালিকায় মীর নিছার আলী তিতুমীরের নাম বর্ণনা করেছেন।<sup>৫</sup>

তিতুমীর নারকেলবাড়িয়া গ্রামে ‘বাঁশের কেল্লা’ স্থাপন করে ইংরেজদের সাথে যুদ্ধ করে শহীদ হয়েছিলেন; একথা বাংলাদেশের মানবের মুখে মুখে প্রসিদ্ধ হয়ে আছে। কিন্তু তিতুমীরের আন্দোলনের গতি-প্রকৃতি সম্পর্কে বিস্তারিত জানা ও অনুসন্ধানের আগ্রহ বর্তমান শিক্ষিত সমাজ খুব একটা বোধ করে না। এদিক থেকে তিতুমীর খানিকটা উপেক্ষিত বলেই মনে হয়। সুখের বিষয় ইঁল, অধুনালুণ ‘সাংগৃহিক বিচ্চিত্রা’ পত্রিকার (১৯৭৯, ৩০শে মার্চ, ৭ম বর্ষঃ ৩য় সংখ্যা, ঢাকা) ৪৬ থেকে ৮৯ পৃষ্ঠা পর্যন্ত বিনয় ঘোষ রচিত ‘তিতুমীর’ এবং প্রমোদ রঞ্জন সেনগুপ্ত রচিত ‘নীল বিদ্রোহ’ নামে দু’টি প্রবন্ধ প্রকাশিত হয়েছিল। উক্ত প্রবন্ধয় থেকে কিছু তথ্য বক্ষমাণ প্রবন্ধে উন্নত করতে চাই। যা ভবিষ্যত গবেষকদের জন্য সহায়ক হবে বলে মনে করি।

৩. প্রাঞ্জল, পৃঃ ৪০৩ ও ৪১৭-১৮।

৪. আবুবাস আলী খান, বাংলার মুসলমানদের ইতিহাস, পৃঃ ২০৭।

৫. আহলেহাদীছ পরিচিতি পৃঃ ৭৬।

কলিভিন লিখেছেন, নারকেলবাড়িয়ার কয়েক মাইল দক্ষিণ পশ্চিমে ‘চাঁদপুর’ গ্রামে তিতুমীরের বাস এবং সাধারণ মুসলমান চারীর চেয়ে একটু ভাল অবস্থার কৃষক পরিবারের সম্মান। প্রথম জীবনে তিতুমীর খুব দুঃসাহসী ছিলেন। পরবর্তীতে এক ধনিক রাজকুমারের সাথে মকায় যাওয়ার সুযোগ পান এবং সেখান থেকে ফিরে এসে বছর খানেক চুপচাপ থাকার পর ইসলাম ধর্ম প্রচারে ও ধর্ম সংক্ষারে ব্রতী হন। কিছুদিনের মধ্যে তিনি প্রায় ৩০০/৪০০ শাগরেদ তৈরী করে ফেলেন। পোশাক ও চেহারায় সাধারণ মুসলমানদের সঙ্গে তাদের পার্থক্য ছিল এবং তারা সামাজিক ও ধর্মীয় আচার-ব্যবহারে নিজেদের স্বাতন্ত্র্য বজায় রেখে চলতেন (অনুচ্ছেদ ৬)। তাদের এই ধর্ম সংক্ষারের গুরু ছিলেন সৈয়দ আহমদ। তাদের বক্তব্য ছিল, কোন রকমের পৌত্রিকাতপছী কুসংস্কারণস্ত ধর্মচারণের সঙ্গে ইসলামের কোন সম্পর্ক নেই এবং এই সমস্ত কুসংস্কার প্রধানতঃ হিন্দু সমাজের দীর্ঘকাল সান্নিধ্যের ফলে ইসলাম ধর্মে প্রবেশ করেছে, যা বর্জন করা প্রত্যেক মুসলমানের কর্তব্য। সঞ্চান করে জেনেছি, কলকাতা শহর ও তাঁর পার্শ্ববর্তী অঞ্চলের সম্মত মুসলমানদের মধ্যে অধিকাংশই উক্ত সৈয়দ আহমাদের ধর্মাদর্শের অনুগামী। হিন্দুস্থানী ও ফার্সী ভাষায় এই ধর্মাদর্শ ব্যাখ্যা করে অনেক পুস্তক-পুস্তিকা, ইশতেহার প্রচারিত হয়েছে। সাধারণ লোকের মধ্যে সৈয়দ আব্দুল সৈয়দপছী তিতুমীরের এই ধর্ম সংক্ষারের আদর্শ বিশেষ জনপ্রিয় হয়নি। কারণ মহররম উৎসব, ফয়তা (মৃত মুসলমানদের আঘাতের কল্যাণার্থে ভোজ্যাদি দান সহ প্রার্থনা বিশেষ), পীর পূজা ইত্যাদি বিধৰ্মীর আচরণ বলে নিন্দিত হলেও সাধারণ মুসলমানদের কাছে তাঁর মর্ম আবো বেধগম্য হত না। সেই কারণে সাধারণ মুসলমানদের মধ্যে তিতুমীরের ধর্মসংক্ষারের আহ্বান বিশেষ সাড়া জাগায়নি (অনুচ্ছেদ ৮)।

প্রধানতঃ তিতুমীরের দলের ধর্মসংক্ষার আন্দোলন স্থানীয় জনসাধারণের কাছে আবেদন-নিবেদনের মধ্যেই সীমাবদ্ধ ছিল এবং তাঁর জন্য কোন দাঙ্গা-হঙ্গামা হয়েছে বলে জানিনা। স্থানীয় হিন্দু জিমিদাররা যারা সাধারণতঃ কোন রকমের নতুন আদর্শ বা ভাবধারার প্রচার পদ্ধতি করে না, তাঁরা একটা সুযোগ পেয়ে অর্থাৎ একদল মুসলমান তিতুমীর ধর্ম প্রচার পদ্ধতি করছে না দেখে উভয় দলের মধ্যে বিবাদের প্রয়োচনা দিতে থাকে। তাঁরা মনে করেছিল, বিবাদ বাধিয়ে দিলে শেষ পর্যন্ত তাঁরাই লাভবান হবে। কিন্তু তাঁরা এতে সফল হয়নি।

নারকেলবাড়িয়া গ্রামে তিতুমীরের দলের জয়ায়েত হয় এবং সেখানেই তাঁরা তাদের প্রধান ঘাঁটি তৈরী করে। তাঁর কারণ এই গ্রামের একজন অবস্থাপন্ন চারী প্রিসিপাল রায়ত ময়েজুন্দীন বিশ্বাস ছিলেন তিতুমীরের ভক্ত। জিমিদারদের উপর আক্রমণ করার জন্য অন্তর্ভুক্ত নিয়ে এখানে তাঁরা ময়বূত ঘাঁটি তৈরী করেন। শান্তিপ্রিয় নিরীহ একদল চারী হঠাতে এ রকম ইংরেজ বিরোধী অভিযানের জন্য কেমন

করে উৎসাহিত হয়ে উঠল সে কথা ভাবলে বাস্তবিকই অবাক হ'তে হয় এবং তখন এই কথাই মনে হয় যে, একজন ধর্মগুরু বা ধর্ম সংকারের প্রভাব জনসাধারণের উপর কঠুন্দুর ব্যাপক ও গভীর হ'তে পারে।

তিতুমীরের বিদ্রোহকালের মধ্যেই জমিদার ধর্মসংক্ষেপে ও তাদের নায়েব, গোমতা, আমলা, কর্মচারী নিয়ে বেশ বড় একটা শোষক শ্রেণীর বিকাশ হয়েছিল ধার্ম্মিয় সমাজে। তাদের প্রভৃতি সহযোগী ছিল নীলকরণা এবং তাদের শ্রেণীবার্থ রক্ষণাবেক্ষণের গুরুদায়িত্ব পালন করত বৃটিশ শাসকরা।

জমিদার, নীলকরণ, নায়েব, গোমতা, সরকার, পাইক, বরকন্দাজ, দারোগা, পুলিশ, মহাজন নিয়ে গ্রাম্য সমাজের সর্বগোষ্ঠী শোষক উপ-শোষক শ্রেণী ও বৃটিশ শাসক রাজদণ্ডশিত্তদের বিরুদ্ধেই ছিল তিতুমীরের বিদ্রোহ ও সংগ্রাম।

তিতুমীর ছিলেন সৈয়দ আহমাদ শহীদের অনুগামী ‘ওহাবী’ আদর্শপন্থী। ওহাবীইজম বা ওহাবীবাদ হ'ল ইসলামের মধ্যে এমন একটি ধর্মগোষ্ঠী, যারা নিজেদের মুহাম্মাদ (ছাঃ)-এর আদর্শে ও উক্তির অক্তিম ধারক বাহক মনে করতেন, ইসলামী আদর্শের কঠোর সংক্ষারে বিশ্বাস করতেন। ইসলামের ইতিহাসে এ রকম ধর্ম গোষ্ঠীর উভয় আরব দেশে ওহাবীদের পূর্বেও ইসলামের সোনালী যুগ থেকে বিদ্যমান ছিল।

আসলে আরব দেশের আব্দুল ওয়াহহাব নন, আমাদের দেশের শাহ অলিউল্লাহই ইসলামের এই ধর্মসংক্ষার আন্দোলনের প্রবর্তক। শাহ অলিউল্লাহ ও আব্দুল ওয়াহহাব সমসাময়িক সংক্ষারক ছিলেন এবং অলিউল্লাহ হয়ত হিজায়ে অধ্যয়নকালে আব্দুল ওয়াহহাবের ধর্মগুরুদের কাছ থেকেই শিক্ষা লাভ করেছিলেন, কিন্তু এমন কোন সঠিক প্রমাণ নেই যে তাঁরা কেউ কারো দ্বারা প্রভাবাব্ধি হয়েছিলেন। আব্দুল ওয়াহহাবের মত অলিউল্লাহও প্রায় একই ধর্মসংক্ষেপ প্রকারে সংক্ষিপ্ত করতেন এবং উভয়েই ধর্মাদর্শের দিক থেকে অক্তিম মূলধর্মাবলম্বী ছিলেন। উভয়েই ইসলাম ধর্মের মনোরম বাণিজ্য থেকে সমস্ত আগাছা, পরগাছা, জঙ্গল, আবর্জনা নির্মূল করার পক্ষাপাতী ছিলেন। যেমন- আব্দুল ওয়াহহাবের মত অলিউল্লাহও ঘোর একত্ববাদী ছিলেন এবং ‘শিরক’ বা বহুবেতাবাদের সঙ্গে কোন প্রকারে সংশ্লিষ্ট সর্বতোভাবে নিন্দনীয় ও বজনীয় মনে করতেন।

মোগল রাজশক্তির পতন এবং বৃটিশ রাজশক্তির প্রতিষ্ঠার পর যখন ভারতের মুসলমান সমাজের সর্বাত্মক সংকট ধর্ম, রাষ্ট্র, সমাজ, অর্থনীতি ইত্যাদি সর্বক্ষেত্রে প্রকট হয়ে উঠল; যখন দেখা গেল যে, মুসলমানরা কেবল পীর ফকীর গায়ীর পূজা নয়, ওলাবিবি থেকে সত্য পীর, মানিক পীরের পর্যন্ত পূজা করছে, অসংখ্য পীরস্থান, দরগা ইত্যাদি গজিয়ে উঠেছে; যখন দেখা গেল যে, রাষ্ট্রীয় শক্তি হাতছাড়া হওয়ার ফলে মুসলমানরা সর্বক্ষেত্রে অবহেলিত-অপমানিত ও নতুন

ইংরেজ রাজ্যের শক্ত বলে বিবেচিত হচ্ছে, অথচ মুহারুরম, ফয়তা ইত্যাদি উৎসব অনুষ্ঠান ঠিকই চলছে, তখন ভারতীয় অলিউল্লাহ অথবা আরবের আব্দুল ওয়াহহাবের মৌল ইসলাম ধর্মে প্রত্যাবর্তনের আহ্মান এবং বিধৰ্মী কাফেরদের বিরুদ্ধে জিহাদের আওয়াজ ভারতের ঐতিহাসিক পরিবেশে অবশ্যই প্রগতিশীল ছিল। কারণ তাদের বাহ্য ধর্মীয় পোষাকের অন্তরালে ছিল ইংরেজ রাজ্যের বিরুদ্ধে এবং রাজহান্ত্রিত উপশাসক ও শোষকদের বিরুদ্ধে বিদ্রোহের আহ্মান। কাজেই অলিউল্লাহবাদ বা ওয়াহবিবাদের আন্দোলন যে তৎকালে একটা প্রগতিশীল ঐতিহাসিক ভূমিকা ছিল তা কোন মতেই অবীকার করা যায় না।

শাহ অলিউল্লাহর সুযোগ্য পুত্র শাহ আব্দুল আবীয় পিতার ধর্মাদর্শের উত্তরাধিকারী হন এবং সৈয়দ আহমাদ ব্রেলভী তাঁর শিষ্যত্ব প্রহণ করেন। সৈয়দ আহমাদের ধর্মান্দোলন ‘জিহাদ আন্দোলন’ নামে খ্যাত। কিন্তু বৃটিশ সরকার ভুলক্রমে এই আন্দোলনকে ‘ওহাবী’ বলে চিহ্নিত করেছেনঃ A remarkable disciple of Aziz was Sayyid Ahmad Brelobhy, Whose movement is generally known as that of the Mujahidin (holy warriars) and is erroneously described in the British Indian Government Records as wahhabii'. (Aziz Ahmad).

মুখ্যত শিখদের বিরুদ্ধে এবং বৃটিশ শাসকদের বিরুদ্ধে সৈয়দ আহমাদের ধর্মযুদ্ধ আন্দোলনই হ'ল অলিউল্লাহর ইসলাম ধর্মে প্রত্যাবর্তনের প্রথম প্রত্যক্ষ সক্রিয় আন্দোলন এবং তাঁর ধর্ম সংক্ষারের আদর্শকে কর্মক্ষেত্রে বাস্তবায়িত করার প্রথম প্রচেষ্টা। এই মুজাহিদবন্দ একত্ববাদের আদর্শের উপর সর্বাধিক শুরুকৃ দিতেন। এই আন্দোলনের ফলে তাঁদের মধ্যে ধর্মীয়-রাজনৈতিক সংগঠনের (রিলিজিও পলিটিক্যাল অর্গানাইজেশন) বিকাশ হ'তে থাকে এবং দেশব্যাপী প্রচারের জন্য নানা স্থানে কেন্দ্র স্থাপিত হয়। গ্রাম হয় সংগঠনের মূল কেন্দ্র। ভারতে ইসলাম ধর্মের ইতিহাসে এটাই হ'ল প্রথম ব্যাপক গণসংগ্রামের বাগণ্ডান্দোলনের প্রচেষ্টা।

বাংলাদেশে (ফরিদপুর যেলা) হাজী শরীয়তুল্লাহ (১৭৬৪-১৮৪০) ও তাঁর পুত্র দুনু মিয়ার ‘গণআন্দোলনে’র সঙ্গে সৈয়দ আহমাদ শহীদের ‘জিহাদ আন্দোলন’-এর কোন সম্পর্ক নেই। কিন্তু তিতুমীরের আন্দোলন ছিল শাহ অলিউল্লাহ, আব্দুল আবীয় ও সৈয়দ আহমাদ শহীদের ‘জিহাদ আন্দোলন’-এর ধারানুগামী এবং সে জন্য সেই আন্দোলন ছিল অনেক বেশী ‘মিলিট্যান্ট’ বা সংগ্রামমুখী।

তিতুমীরকে কেবল বৃটিশ বিরোধী স্বাধীনতা সংগ্রামের শহীদ রূপে চিহ্নিত করলে তাঁর বিদ্রোহ ও সংগ্রামের চরিত্রকে বিকৃত করা হয়। কারণ তিতুমীরের দলভুক্ত হায়ার হায়ার বিদ্রোহী মুজাহেদীনের আরো অগ্র কৃতির শ্রেণীর পুস্পষ্ট হয়ে উঠে। তারা হ'ল বারাসাত, বাশিরহাট ও পার্শ্ববর্তী অঞ্চলের সর্বস্বান্ত দরিদ্র চারী, প্রধানতঃ তারা খাঁটি মুসলমান। ১৯৭৩ সালেও অর্ধাং ১৪২ বছর পরেও

মাসিক আত-তাহীক ১ম পর্যবেশনা মাসিক আত-তাহীক ১ম পর্যবেশনা মাসিক আত-তাহীক ১ম পর্যবেশনা মাসিক আত-তাহীক ১ম পর্যবেশনা মাসিক আত-তাহীক ১ম পর্যবেশনা

তাদের বংশধরদের চেনা যায়। তাদের বংশধরদের সংখ্যা অনেক বেড়েছে, সেই সঙ্গে দারিদ্র্যও বেড়েছে। কিন্তু তিতুমীর নেই। তিতুমীরের সংগ্রাম সম্মুকাল স্থায়ী হ'লেও, তার তাংপর্য নানা দিক থেকে দীর্ঘস্থায়ী। সংগ্রামের নায়ক হিসাবে বিদ্রোহী সংগঠনের দক্ষতাও ছিল তাঁর অসাধারণ। সরকারী রিপোর্টে নারকেলবাড়িয়ার সুসংহত জামা'আতের বর্ণনায় তা একাধিকবার প্রকাশ পেয়েছে। বিদ্রোহীদের সংগ্রাম পারদর্শিতাও সরকারী দলীল পত্রে স্বীকৃত। হাতি-ঘোড়া-বজরা, সেপাই-বরকন্দাজ-বন্দুক নিয়ে নীলকর ও যেলা শাসকরা একাধিকবার তিতুমীরের মুজাহিদ বাহিনীর দ্বারা তাড়িত হয়ে প্রাণ নিয়ে পলায়ণ করেছেন।

বারাসাতের জয়েন্ট ম্যাজিস্ট্রেট আলেকজাঞ্জার ৫৬ অনুচ্ছেদ সম্বলিত বিস্তারিত বিবরণের এক জায়গায় বলেন, দায়েম কারিগর থানায় এসে শপথ করে বলল যে, কৃষ্ণদেব রায় মুসলমান প্রজাদের কাছ থেকে দাঢ়ির জন্য আড়াই টাকা করে ট্যাঙ্ক আদায় করছেন এবং ট্যাঙ্ক না দিলে জরিমানা ও নানা রকমের অত্যাচার করছেন। পারিয়াল কারিগর এসে বলল যে, তালুকদার কৃষ্ণদেব রায় তিনশ' লাঠিয়াল নিয়ে এসে মুসলমানদের মসজিদে আগুন ধরিয়ে দেয়। অতঃপর তিতুমীর সম্পর্কে ছাহেবে বলল, তিতুমীর হ'ল একটি নতুন মুসলমান ধর্ম সম্প্রদায়ের লিভার। তার বয়স প্রায় পঞ্চাশ বছর।

মোল বছর তিতুমীর কলকাতায় একজন কুস্তিগীর ছিলেন। পরে একজন জমিদারের অধীনে সর্দারের চাকরি করেন এবং এক হাঙ্গামার কারণে কারাদণ্ড ভোগ করেন। কারামুক্ত হওয়ার পর তিতুমীর মক্কা যাত্রা করেন একজন রাজকুমারের সঙ্গে। মক্কায় সৈয়দ আহমাদের সাথে তার সাক্ষাৎ হয়। দেশে ফিরে আসার পর তিতুমীর কিছুদিন কলকাতায় থাকেন, তারপর নারকেলবাড়িয়ার কাছে হায়দারপুরে এসে ধৰ্ম প্রচারে মনোযোগী হন। তিন-চার বছরের মধ্যে এই অঞ্চলে তিতুমীর খুব জনপ্রিয় হয়ে উঠেন। তার জীবন যাত্রার ধারার অনেক পরিবর্তন হয়, কর্তৃত সংযত জীবন যাপন করতে থাকেন এবং তার ধর্মাদর্শে দীক্ষা দেওয়াই হয় তাঁর প্রধান কাজ। পৌর পূজা, দরগাহ তৈরী এসব কাজ ইসলাম ধর্ম বিরোধী; প্রকৃত মুসলমানের উচিত ঐসমগ্র অভ্যাস বর্জন করা ইত্যাদি ছিল তিতুমীর-এর মূল কথা।

সংগ্রাম বা প্রত্যক্ষ লড়াইয়ের কলাকৌশল সম্বন্ধে বলা যায় যে, তিতুমীর নিজে একজন অত্যন্ত সুদক্ষ সাহসী বীর যোদ্ধা ছিলেন। গোলন্দাজ ম্যাকানকে শুলি করে খতম করেন তিতুমীর নিজে এবং যেলা শাসক আলেকজাঞ্জারের কানের পাশ দিয়ে যে গুলিটা বিদ্যুৎ বেগে বেরিয়ে যায় সেটাও তিতু নিজে লক্ষ্য করে ছুঁড়েছিলেন। কেবল লাঠি-সড়কি-তলোয়ার প্রভৃতি দেশীয় হাতিয়ার নয়; বরং শক্র কাছ থেকে ছিনিয়ে নেওয়া কয়েকটা কামান-বন্দুকের সুদক্ষ ব্যবহারও তিনি নিজে শিখেছিলেন এবং তাঁর শাগরেদদেরও শিখিয়েছিলেন। কেবলমাত্র অন্তর্শক্ত

ব্যবহারের দক্ষতা নয়, তিতুমীর তাঁর শক্র পক্ষের গোয়েন্দাদের ঘৃত নিজেদের মধ্যে গোয়েন্দা দল গঠন করেছিলেন এবং তারা ছদ্মবেশে বস্তু সেজে একাধিকবার শক্রদের ভুল খবরাখবর দিয়ে ফাঁদে ফেলেছে। নারকেলবাড়িয়ার 'বাঁশের কেল্লা' তিতুমীর ও তাঁর সহযোদ্ধাদের চূড়ান্ত লড়াইতে অভূতপূর্ব মনে হয়।<sup>৬</sup>

'নীল বিদ্রোহ' প্রবক্ষে প্রযোদ রঞ্জন সেন শুশ্রেষ্ঠ লিখেছেনঃ 'তিতুমীরের নেতৃত্বে বারাসাতের কৃষকবিদ্রোহ বাংলার ইতিহাসে একটি বিশিষ্ট ঘটনা। এই বিদ্রোহ একাধারে বৃটিশ সাম্রাজ্যবাদের বিরুদ্ধে, জমিদারদের বিরুদ্ধে এবং নীলকরদের বিরুদ্ধে এবং সরকার, নীলকর উভয় সম্প্রদায়ের জমিদার মহাজন সকলের নির্যাতন শোষণের বিরুদ্ধে বিদ্রোহ। এই অঞ্চলের জমিদার কৃষ্ণদেব বায় তাঁর জমিদারীর মধ্যে ওহাবী মতাবলম্বী প্রত্যেকের দাঢ়ির উপর আড়াই টাকা খাজনা ধার্য করলেন। স্বভাবতই কৃষকরা যখন এই 'দাঢ়ির খাজনা' দিতে অসীকার করল, তখন জমিদাররা শত শত লাঠিয়াল নিয়ে তিতুমীরের ধাম আক্রমণ করল। বার বার আক্রমণ করেও 'দাঢ়ির খাজনা' আদায় করা গেল না।'

ফলে তখন তাঁরা সরকারের নিকট সাহায্য প্রার্থী হ'ল। সরকার তিতুমীরকে ধৰ্মস করার জন্য যশোরের ম্যাজিস্ট্রেট আলেকজাঞ্জারকে পাঠালেন ১৮৩০ সালের ১৫ই নভেম্বর। সরকারের পক্ষে বন্দুকধারী সৈন্যবাহিনী আর তিতুমীরের শুধু তীর, বর্শা, তলোয়ার, ইট-পাটকেল, আর কাঁচা বেল। আধুনিক অন্তর্শক্ত যোগাড় করা গরীব গ্রামবাসীদের পক্ষে সম্ভব ছিল না। তিতুমীরের প্রচণ্ড আক্রমণের ফলে সরকারী সৈন্যরা পলায়ণ করল এবং আলেকজাঞ্জার কোনমতে প্রাণ নিয়ে পালাতে সক্ষম হ'ল।

ওহাবী সম্প্রদায়ের সকল সত্যের সিদ্ধান্ত অনুযায়ী তিতুমীর নিজেকে স্বাধীন বাদশাহ বলে ঘোষণা করলেন। এই স্বাধীনতা ঘোষণার ফল কি হবে তা তিতুমীর ভালভাবেই জানতেন। তিনি তৈরী হ'লেন। নারকেলবাড়িয়াতে 'বাঁশের কেল্লা' প্রস্তুত হ'ল।

বড় লাট বেন্টিক আলেকজাঞ্জারের পর নদীয়ার কালেষ্টরকে হৃকুম দিলেন তিতুমীরকে আবার আক্রমণ করার জন্য। এক সুসজ্জিত বিরাট সরকারী বাহিনী, জমিদার বাহিনী ও নীলকর বাহিনী মিলিতভাবে তিতুমীরকে আক্রমণ করার জন্য অগ্রসর হ'ল। তিতুমীরও তাঁর বাহিনী নিয়ে বাধারিয়া নামক স্থানে এসে সেখানকার পরিত্যক্ত নীলকুঠি দখল করে শক্র অপেক্ষা করতে লাগলেন। কিপরী লাল সরকার, যিনি ওহাবী আলেকজান্দ্রের প্রতি যোটেই সহানুভূতিশীল ছিলেন না, এই লড়াই সঘনে লিখেছেনঃ মাসুমের (তিতুমীর-এর সেনাপতি) সৈন্যগণ অন্তরালে অবস্থান করায় শুলি বর্ষণে তাদের বিশেষ কোন ক্ষতি হ'ল না। কিন্তু কালেষ্টরের ক্ষতি হয়েছিল অত্যধিক।

৬. বিনয় ঘোষ, তিতুমীর, পৃঃ ৫৬-৭৪।

ইহা দেখে কালেকটর যুদ্ধ করার হ্রকুম দেন। তাদেরকে পালাতে দেখে মাসুমের সৈন্যরা চারিদিক হ'তে ভীষণ বেগে তাদেরকে আক্রমণ করে। এই আক্রমণে সাহেবের বহু লোক নিহত হয় এবং একটি হস্তী ও কয়েকটি বন্দুক মাসুমের হস্তগত হয়। কালেক্টর ও জর্জ সাহেব বজরা মাধ্যমে জলপথে দ্রুত পালায়ন করেন। তাদের পালাতে দেখে জমিদাররাও যেদিকে পারলেন পলায়ন করলেন।

১৮৩১ সালের ১৯ নভেম্বর আরো জাঁকজমকের সঙ্গে ইংরেজ বাহিনী তিতুমীর-এর ‘বাঁশের কেল্লা’ আক্রমণ করল। তারা দুটি কামান নিয়ে এসেছিল। তা দিয়ে তারা অবিরাম গোলা বর্ষণ করতে লাগল। একটি গোলার আঘাতে তিতুমীর-এর দক্ষিণ উরু ছিন্ন হয়ে গেল এবং কিছুক্ষণ পর তিতুমীর শেষ নিঃশ্বাস ত্যাগ করলেন। কামানের গোলার বিরুদ্ধে বাঁশের কেল্লারও বেশিক্ষণ দাঁড়িয়ে থাকা সম্ভব হ'ল না। ৮০০ বন্দীকে আলিপুরে নিয়ে যাওয়া হ'ল। সেখানে তাদের বিচার হ'ল। বিচারে গোলাম মাসুমের প্রাণদণ্ড হ'ল। অনেকের দীপ্তান্তর হ'ল এবং অনেকের কারাদণ্ড হ'ল। বাঁশের কেল্লার সামনে গোলাম মাসুমের ফাঁসী হয়েছিল।<sup>৭</sup> সেই দিনই কমিশনার বারওয়েল সাহেবকে আলেকজাঞ্জার জানান যে, নিহতদের মধ্যে তিতুমীরও একজন যেহেতু, কারণ তা না হ'লে বিদ্রোহীরা শহীদের সম্মানে তিতুমীরের দেহ সমাধিষ্ঠ করবে।

দুর্বল সংগঠন নিয়ে প্রায় নিরন্তর অবস্থায় উন্নত আগ্রেঞ্জে সুসংজ্ঞিত শক্তির সঙ্গে সংগ্রামে বিদ্রোহীরা তাদের ঘোষিত স্বাধীনতা প্রতিষ্ঠায় ব্যর্থ ও ধ্রংস হয়ে গেলেও ভবিষ্যৎ কালের বৈপ্লাবিক স্বাধীনতা সংগ্রামের ভিত্তি রচনার দিক হ'তে এই বিদ্রোহ সার্থকতা মণ্ডিত হয়েছে। কামানের মুখে তিতুমীরের বাঁশের কেল্লা উড়ে গেলেও ইহা বংশ পরস্পরায় বাঙালী জনসাধারণের চিন্ত ভূমিতে ভবিষ্যৎ স্বাধীনতা সংগ্রামের যে অজেয় দুর্গ রচনা করে রেখেছে, ইংরেজ শাসকরা সমস্ত শক্তি নিয়োগ করে কোনদিন তার ভিত্তি টলাতে পারেনি।<sup>৮</sup>

২০ নভেম্বর রবিবার আলেকজাঞ্জার নারকেলবাড়িয়ার বিধুস্ত বাঁশের কেল্লায় গিয়ে ধ্রংসস্তুপের মধ্যে তন্ম তন্ম করে খুঁজেছেন এমন কোন কাগজপত্র কিতাব ইশতেহার বা ফৎওয়া পাওয়া যায় কি-না, যার মধ্যে বৃটিশ রাজশক্তির বিরুদ্ধে তিতুমীরের দলের কোন ষড়যন্ত্রের ইঙ্গিত আছে। বাঁশের কেল্লা তখন শুলি গোলার আগুনে ভাস্তৃত, কাজেই তার মধ্যে কোন কাগজপত্র, কিতাব, ফৎওয়া, ইশতেহার পাওয়া যায়নি। সেইদিন নিহতদের বাকি সমস্ত মৃতদেহ পুড়িয়ে ফেলার হ্রকুম দেন আলেকজাঞ্জার, যেহেতু আগের দিন তিতুমীর ও অন্যান্য বিদ্রোহী নেতাদের মৃতদেহ পুড়িয়ে ফেলা হয়েছে।<sup>৯</sup>

৭. সুপ্রকাশ রায়ের ভারতের ক্ষক বিদ্রোহ, পৃঃ ২৬৯-২৮২ দ্রষ্টব্য, আহলেহাদীছ আন্দোলন, পৃঃ ৪১৮।

৮. এই, পৃঃ ১৮৫; নীল বিদ্রোহ বিচিত্রা ১৫-১৬ পৃঃ ৪৫০ প্রমোদ রঞ্জন সেন শঙ্ক।

৯. বিনয় শোষ, তিতুমীর বিচিত্রা, পৃঃ ৬; বাংলার মুসলমানদের ইতিহাস পৃঃ ২০১।

## ফলাফলঃ

বিনয় শোষ একজন হিন্দু ঐতিহাসিক হ'লেও অনেক সত্য কথা ও তত্ত্ব প্রকাশ করেছেন। এজন্য তাঁকে ধন্যবাদ জানাতে হয়। তাঁর উপস্থাপিত প্রবন্ধটি বিরাট। আমি কেবল প্রয়োজনীয় অংশগুলি উত্তৃত করেছি। তিতুমীরের আন্দোলনকে ঐতিহাসিকগণ আহলেহাদীছ আন্দোলন বলে স্বীকার করতে না চাইলেও গবেষকগণের বিচার বিশ্লেষণে তিতুমীরের আন্দোলন ছিল একাধারে বৃটিশ সরকার ও তাদের এদেশীয় শোষক শ্রেণীর বিরুদ্ধে স্বাধীনতা সংগ্রাম, অপরদিকে প্রচলিত কুফর ও বিদ্রোহের সংক্ষার আন্দোলন, যার অন্তর্নিহিত মূল Spirit অবশ্যই আহলেহাদীছ আন্দোলন।

তিতুমীর ও তাঁর ‘বাঁশের কেল্লা’ ধ্রংস হয়েছিল সত্যিই। কিন্তু যুগ যুগ ধরে শোষিত, বঞ্চিত, স্বাধীনতাকামী তাওহীদী জনতার নিকট তাঁর ত্যাগ ও কুরুবানী অনুপ্রেরণার উৎস ও মহান শিক্ষা এখনও বিরল হয়ে রয়েছে। তাঁর শাহাদত ও বাঁশের কেল্লার তাৎপর্য সূন্দরপ্রসারী। যালেমের যুলুম ও কুফরী শক্তির বিরুদ্ধে যুগে যুগে জিহাদের প্রেরণা যুগিয়েছে আহলেহাদীছ আন্দোলনের বীর সেনানী তিতুমীরের এই আপোষহীন সংগ্রামী ইস্পাত কঠিন মনোভাব ও আস্তানান। আহলেহাদীছ আন্দোলনের ভবিষ্যত প্রজন্ম তিতুমীরের জীবন কথা থেকে কিছু শিক্ষা গ্রহণ করবে এই প্রত্যাশা রেখে শেষ করছি। আমান!

## বুলক জুয়েলার্স

প্রোঃ মুহ

আধুনিক

রৌপ্য অলঙ্কার  
প্রস্তুতকারক ও সর্বব্রহ্মাত্মকারী।

১০০৫৫৬

১০০৫২